

書蔡氏傳旁通卷第二

後學東匯澤陳師凱撰

禹貢

夏后氏五十而貢貢者較數歲之中以爲常

朱子云夏時一夫受田五十畝而每夫計其五畝之入以爲貢

禹別九州非用其私智天文地理區域各定故星土之法則有九野

周禮保章氏云以星土辨九州之地所封封域皆有分星以觀妖祥注云星土星所主土也鄭司農說星土以春秋傳曰參爲晉星商主大火國語歲

之所在則我有周之分野之屬是也玄謂大界則
曰九州州中諸國之封域於星亦有分焉其書亡
矣堪輿雖有郡國所入度非古數也今其存可言
者十二次之分也星紀吳越也玄枵齊也娵訾衛
也降婁魯也大梁趙也實沈晉也鶉首秦也鶉火
周也鶉尾楚也壽星鄭也大火宋也析木燕也疏
云古黃帝時堪輿亡故其書亡矣又云吳越在南
齊魯在東今歲星或北或西不依國地所在者此
古之受封之日歲星所在之辰國屬焉故也吳越
二國同次者亦謂同年度受封故同次也又案史
記正義引星經云角亢鄭之分野兗州氐房心宋

之分野豫州尾箕燕之分野幽州斗牛吳越之分
野揚州女虛齊之分野青州危室壁衛之分野并
州奎婁魯之分野徐州胃昂趙之分野冀州畢觜
參魏之分野益州井鬼秦之分野雍州柳星張周
之分野三河翼軫楚之分野荊州以九州言則爲
九野以十二州言則爲十二野

壺口今隰州吉鄉縣

寰宇記云在慈州吉鄉縣西南五十里今改吉州
隸平陽路

呂梁山在今石州離石縣東北

寰宇記呂梁在離石北以東可三百餘里今隸太

原路

岐山在今汾州介休縣狐岐之山

今隸太原路

六壁城在勝水之側

勝水寰宇記在汾州孝義縣南一里六壁府後魏
太平真君五年討胡於六壁即此城也俗以城有
六面因以爲名在孝義縣西八里今仍屬汾州
廣平曰原今河東路太原府也

寰宇記爲并州今爲太原路屬河東山西道

太岳在河東郡彘縣東今晉州霍邑也

寰宇記太岳在霍邑縣東三十里晉州宋改平陽

府今仍之霍邑今改爲霍州

山南曰陽則今岳陽縣地也堯之所都

岳陽縣今屬平陽路

汾水出於太原經於太岳東入于河

今案汾河在山西當云西南入河地志云北山汾水所出西南至汾陰入河

覃懷地名今懷州也

今爲懷孟路屬河東山西道

涑水出乎其西

地志涑水出代郡廣昌東南行五百里至容城入河今案容城屬涿郡在幽州之境去懷孟南北懸

絕涑水不應在懷孟之西涑字恐是濟字之誤

漳水二一出上黨治縣大黽谷

上黨今潞州也治字誤地志作沾師古音它廉反
韻會亦作沾寰宇記音丁念反

今平定軍樂平縣少山也名爲清漳

寰宇記云少山一名河逢山在縣西南十里清漳
水出焉平定完顏金改爲州今屬河東山西道
一出上黨長子縣鹿谷山

長讀爲長短之長

今潞州長子縣發鳩山也名爲濁漳

寰宇記發鳩山在縣西南六十五里濁漳水出焉

然縣別有鹿谷山非鹿谷即發鳩也漳水一名潞水今潞州爲平陽路支郡

東北至阜城入北河

地志東北至邑成入大河

鄴今潞州涉縣也

涉縣今屬眞定路

阜城今定遠軍東光縣也

今並有阜城東光二縣皆屬景州爲河間路支郡周官大司徒辨十有二壤之物而知其種以教稼穡樹藝

注壤土也釋云此十二壤即上十二土注云十二

三百卅七
土分野十二邦上繫十二次各有所宜也疏云分別物之所生而知其所殖之種遂即以教民春稼秋穡以樹其木以藝其黍稷也

以土均之法辨五物九等制天下之地征

亦大司徒文也注云均平也五物五地之物也九等駢剛赤緹之屬疏云制天下之地征者言天下則并畿外邦國所稅入天子而言也五物即上山林川澤之等是也愚案上文云辨其山林川澤丘陵墳衍原隰之名物注云積石曰山竹木曰林注瀆曰川水鍾曰澤土高曰丘大阜曰陵水厓曰墳下平曰衍高平曰原下濕曰隰

草人糞壤之法駢剛用牛赤緹用羊墳壤用麋渴澤用鹿

地官草人云掌土化之法以物地相其宜而爲之

種凡糞種駢剛用牛赤緹音低用羊墳粉壤用麋渴

竭澤用鹿鹹渴音昔用豕丸勃壤用狐埴石壚用豕

彊上聲槩呼覽反用蕒扶云反輕孚照反熨孚照反用犬注云土化之法

土化之使美也凡所以糞種者皆謂煮取汁也赤緹

縗縗七色也縗反渴澤故水處也渴鹵也豕他官反勃

壤粉解者埴壚黏䟽者彊槩堅強者輕熨輕脆者

鄭司農云用牛以牛骨汁漬其種也謂之糞種蕒

麻也䟽云案禹貢冀州云白壤青州云白墳兗州

土會之法

云黑墳徐州云赤墳揚州荊州云塗泥豫州云墳壚梁州云青黎雍州云黃壤與此駢剛之屬爲九等不同者以禹貢自是九州大判各爲一等此九等者無妨一州即有此九等之類故不同也

大司徒云以土會

古外反

之灋辨五地之物生一曰山

林其動物宜毛物其植物宜阜物

阜音早

其民毛而方

二曰川澤其動物宜鱗物其植物宜膏物其民黑

而津三曰丘陵其動物宜羽物其植物宜覈

核物

其民專

團

而長四曰墳衍其動物宜介物其植物

宜莢物其民皙而瘠五曰原隰其動物宜羸物其

植物宜叢物其民豐肉而庠注云阜物柞栗之屬
膏物楊柳之屬理致白如膏玄謂膏當爲橐蓮芡
之實有橐韜

天子所自治并與場圃園田漆林之類而征之如周
官載師所載賦非盡出於田也

地官載師云以廛里任國中之地以場圃任園地
以宅田士田賈田任近郊之地以官田牛田賞田
牧田任遠郊之地以公邑之田任甸地以家邑之
田任稍去聲地以小都之田任縣地以大都之田任
甸地凡任地國宅無征園廛二十而一近郊十一遠
郊二十而三甸稍縣都皆無過十二唯其漆林之

征二十而五

常山郡

今真定路

定州曲陽縣

定州今改中山府曲陽隸保定路中山屬真定路

東入滹水

地志應劭曰滹音驅驅侯反

瀛州高陽縣

瀛州今爲河間路高陽縣今隸安州屬保定路

真定府行唐縣東流入于滋水

行唐今隸保定滋水去縣三十六里

衛水東入滹沱河

寰宇記滹沱水在靈壽縣西南二十里

大陸孫炎曰鉅鹿北廣阿澤河所經也

鉅鹿即邢州今爲順德路鉅鹿爲屬縣寰宇記云
廣阿澤一名大陸一名鉅鹿一名大麓一名沃州
在縣西北五里其澤東西二十里南北三十里

澶相

宋澶州今改開州隸大名府相州今名彰德路

蓋禹河自澶相以北皆行西山之麓班馬王橫皆謂
載之高地

此西山指太行山也迤北連綿直至趙州以上接

恒山皆在河北之西其地常高於河

古河之在貝冀以及枯澤之南

貝州今改恩州爲廣平路支郡冀州爲真定路支
郡案程氏禹貢圖古澤渠自邢州來過貝州北至
冀州之東禹河自相州來經貝冀之南過澤水
及其已過信澤之北

信字下脫都古二字案此段自程氏曰以下皆禹
貢圖敘說之文傳寫脫二字耳信都冀州也古澤
即枯澤也其北則趙深二州之境

隋改趙之昭慶以爲大陸縣唐又割鹿城置陸澤縣
寰宇記昭慶本漢廣阿縣大業末改爲大陸縣天

寶十三年又改爲昭慶縣唐舊書謂天寶元年改爲昭慶唐舊書又云深州陸澤先天二年分饒陽鹿城界置陸澤縣至德二年改鹿城爲東鹿寰宇記云陸澤本漢廣阿縣地隋象城縣地唐開元中置以大陸澤爲名貞元中以饒陽立深州至長慶已後移深州理於是邑今案饒陽改隸晉州而深州理靜安其大陸鹿城並未詳泐革然皆不出漢之廣阿也蔡傳本陸澤多訛爲陸渾非是

邢趙深三州爲大陸

邢州則有廣阿澤趙州則有大陸縣深州則有陸澤縣故總言之

三百七十四
碣石地志在北平郡驪城縣西南河口之地今平州之南也

地志作驪成無河口之地四字碣作揭師古音桀
寰宇記今平州理盧龍縣本漢遼西肥如縣也碣
石山在縣南二十三里碣然而立在海旁太康地
志云秦築長城起自碣石在今高麗舊界非此碣
石也又平州石城縣在盧龍西一百四十里有碣
石始皇刻石漢武登之當山嶺有大石如柱號曰
天橋柱立於巨海之內平州今改名平灤路仍理
盧龍西至大都五百五十里驪城光武時省廢今
無之